
PEPA O FAAMATALAGA

Asia e le Afioga Komesina o Sulufaiga le Amepasa o Iapani i Samoa

Apia, Samoa – 4 Setema 2026

Na feiloai atu le Komesina o Sulufa'iga o Samoa, Afioga Vui Clarence Nelson, i le Amepasa o Iapani i Samoa, Afioga Ryotaro Suzuki, i le Ofisa o le Amepasa i Apia.

O lenei feiloa'iga o se avanoa mo le Komesina o Sulufa'iga fou ma le Amapasa e fefa'asoa'i ai i le faalauteleina ma le faatumauina o le faiga paaga i le va o Samoa ma Iapani.

Na fa'ailoa ai fo'i le tāua o le fa'aauauina o le mafutaga lelei, e ala i fesoota'iga ma fefaasoaiga i le va o fa'alapotopotoga a le Malo o Samoa ma Faalapotopotoga Faava-o-malo ua aloa'ia ma o lo o galulue i Samoa.

Sa talanoaina ai foi ni avanoa e galulue fa'atasi ai Ofisa e lua, mo ni poloketi e fesoasoani ai i le toe fuataina le ola o fanau o lo'o a'afia i le tulafono. O lenei vaega ua fa'ailoa mai ai le tāua o le tapu'eina o ola o fanau, fa'apea le una'ia o le toe fuataina o lo latou ola, soifua manuia ma le toe foi atu i totonu o aiga ma afio'aga.

Na fa'ailoa e le Komesina o Sulufa'iga lona agaga fa'afetai mo le avanoa e feiloa'i ai ma le Afioga i le Amepasa, ma fa'ailoa ai fo'i le tāua o le mafutaga fa'auō ma le galulue fa'apa'aga ua loa tausaga i le va o le Malo o Samoa ma le Malo o Iapani.

Ma o le a fa'aauauina pea lea fa'apa'aga ma le Ofisa o le Amapasa o Iapani, fa'apea ma isi pa'aga tau atina'e ma faava-o-malo, mo le lagolagoina o pulega lelei, le unaia o tiute ma matafaioi, e ala i le puipuiga o aia tatau a tagata, ma le fa'atinoina lelei o auunaga mo tagata lautele o Samoa.

-----MAEA-----